

# ARENE AYERZA OTEGUI

E Maila | Bertsoa | 2. saria

Ni Arene izeneko neska bat naiz. 12 urte ditut eta betidanik Alkartasuna Lizeoan ikasi izan dut. Nire zaletasunen artean musika eta trikitixa jotzea aipatuko nituzke, horiek direlako denetatik gustokoen ditudanak. Eta eskolako arloen artean matematika, musika eta bertsolaritza dira gustokoen ditudanak. Baina ingelesa ere oso gustoko dut. Nik euskarari buruzko bertso bat egitea aukeratu dut gure hizkuntza delako eta galtzear dagoela iruditzen zaidalako. Bertso honen bidez euskarari bultzada bat ematea da nire helburua.



## EUSKERA

Mundu guztian euskerari eman

diezaiogun aukera

hizkuntza polit honentzat ere

ez deia izan bukaera

saiatu denok hizkuntza ikasten

eta ez bota atzera

musikaz kantuz zein irakurriz

emaiozue hasiera

ta dakizuenok erabili edo

beintzat egin saiakera

saia gaitezen hau erabiltzen

hemengo denok batera

guk hemen ere erabili arren  
frantsesa ta gaztelera  
euskaldunontzat garrantzitsuena  
dudarik gabe euskera

Euskaldunontzat ez da gurea  
baino hizkuntza hoberik  
oso eraza ez izan arren  
ba al dauka parekorik  
naiz jende gutxik ezagutzen duen  
ez da bereziagorik  
gu denon naia da gure euskera  
zaintzea maitasunetik  
euskara erabiltzen ez bada  
geldituko da galdurik  
ez utzi inoiz erabiltzeari  
hau mantentzeko bizirik  
gure hizkuntzaz jolas ta bizi  
guk ez dugu nai besterik  
jarrai dezagun hau erabiltzen  
bihotzez ta bihotzetik

DOINUA: Eguzkiak urtzen du goian